



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 17. SS. Germanus & Lupus Pelagianorum Victores.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. oculos matris lavit, tenue lumen rediit
A. C. 430. & postquam bis, terve eadem aqua de-
 terisit, clare omnia vidit. Hodieque pu-
 teus, cui magnam venerationem habent,
 peregrinantibus ostendunt.

§. XVII.

SS. Germanus, & Lupus Pelagianorum victores.

Const. V. 8. Sanctus Germanus, & S. Lupus hyber-
Germ. c. 22. no tempore navigatione suscepta,
vit. S. Lup. valida procella jactati sunt; cum vero
Sur. 29. S. Germanus aliquot olei guttas in No-
Jul. mine Trinitatis in mare effudisset, tran-
 quillitas reducta est. Ubi Britannia-
 oram tenuerunt, magna hominum mul-
 titudine excepti fuere, quippe eorum
 adventum maligni Spiritus prædixerant;
 hi deinde a viris Sanctis obsessis corpori-
 bus pulsati, egredientes fatebantur, a se
 tempestatem fuisse excitatam. Brevi tem-
 pore viri Sancti Britanniam sua Doctrina,
 & fama impleverunt; non in Ecclesiis
 modo, sed & in campis, & viis publicis
 prædicabant, quod populi multitudinem
 ædes non caperent. Ubique Catholici
 confirmabantur, & convertebantur Hæ-
 retici. Virorum istorum omnis habitus,
 pietas, Doctrina, miracula veros Apo-
 stolos referebant. Pelagiani primum la-
 tebras quærere, tandem pudorem non fe-
 rentes, quod suo se silentio damnarent,

ad

ad colloquium convenerunt. Magno co-
 mitatu, & splendidis vestibibus emicantes,
 ut opulentiam jactarent, adfuere. In-
 gens fuit concursus populi, ad spectacu-
 lum congregati. SS. Episcopis permit-
 tentibus, primo Hæretici sua sensa ex-
 posuere; at postquam diu perorassent,
 ipsi magna eloquentia, quam Scriptura-
 rum Auctoritate fulciebant, ad omnia re-
 sponderunt, ita ut Pelagiani, rationum
 pondere pressi, non haberent, quod repo-
 nerent. Circumstans populus ægre con-
 tineri potuit, ut manibus temperaret;
 at tamen animi sensus clamoribus indi-
 cabat; Tum vir, tribunitiæ Dignitatis,
 cum uxore sua accedens, SS. Episcopis
 filiam suam decennem, & cœcam exhibi-
 buit; dixerunt; Pelagianorum potius
 opem exposceret, at illi parentum pre-
 cibus suas junxerunt, ut SS. Episcopi mi-
 fellam sanare vellent. Simul breviter ora-
 runt, tum S. Germanus, invocata S. Tri-
 nitate, detractas e collo suo pendentes
 Reliquias coram omnibus puellæ oculis
 imposuit, quæ illico lumen recepit. Exul-
 tant Parentes, obstupescit populus, & ab
 hac die nemo ultra SS. Episcoporum Do-
 ctrinæ obloqui ausus.

Omnes deinde ad Sepulchrum S. Al-
 bani Martyris, in Britannia longe celeberrimi,
 accedentes, Gratias Deo egerunt.
 S. Germanus tumbam aperiri jussit, om-
 nium

Sæculum V.
 A. C. 430.

c. 24.

c. 25.
 L. XVIII.
 Sup. §. 19.

Sæculum V.
A. C. 430. nium Apostolorum, multorum Martyrum Reliquias, quas in diversis Provinciis collegerat, immisit; tunc ex ipso loco pulverem, S. Albani sanguine tinctum, accepit, & secum abstulit. Et ubi ad sua reversus est, in ejusdem honorem Eccle-

Hist. Episc. siam in Civitate Antissiodorensi extruxit,
Antiss. pag. in qua has Reliquias deposuit.
416.

§. XVIII.

Saxonum Victores.

Const. Lib. I. Saxones, & Picti bellum Britannis infe-
c. 28. Beda rebant. Picti erant Barbari in Insu-
1. hist. c. 14. læ parte habitantes, quæ ad Septentrio-
15. nem posita est, ita dicti, quod variis coloribus corpora pingerent. Saxones erant Germaniæ populi, qui a Britannis vocati, ut ipsis adversus Pictos opem ferrent, posteriori tempore fœdera cum iis ipsis, contra quos advenerant, inierunt, ut in Britannia Sedes stabilirent, quod tandem post annos ferme viginti quinque obtinuerunt. Hostium numero territi Britanni auxilium a SS. Episcopis petiere. Tempus erat quadragesimale, & multorum, SS. virorum prædicationibus fidem edocti, baptizari voluerunt; itaque major pars exercitus ad Festum Paschale aperto campo, in templo ramentis constructo, baptizata. Peractis festis, Gratia, quam receperant, roborati, & auxilium Dei spe forti exspectantes, in hostes ituri, itineri